fecimus conclusionem super concordia tractata Tridenti, quia inter nos sunt adhuc aliquæ difficultates, propter quas oportet, ut mittamus oratores nostros ad præfatum regem, sicuti in brevi mittemus. Voluimus vobis ista significare, ut intelligatis, nos non defecisse nec velle deficere, ut tractatus ille concludatur et executioni mandetur. Speramus tamen tantum efficere, per medium præfactorum nostrorum oratorum, quod præfactus rex nobiscum componetur, et quod in negotiis vestris faciet opportunam provisionem, et nos in aliquo modo deficiemus. Ideo poteritis omnia prædicta aliis consociis significare, ut constanter maneant ad expectandum hanc conclusionem.

Date in oppido nostro imperiali Ratisburgensi, 24 aprilis 1502, regni nostri romani 17.

Ad mandatum domini regis, proprium per regem.

A tergo: Honorabilibus nostris et sacri imperii fidelibus, dilectis Hironimo Landriano, ordinis humiliatorum generali, Ludovico Vicecomiti et Luchino Cribello, mediolanensibus.

A dì 29 zugno. Per letere di Cypro si ave, come quel rezimento havia mandato domino Constantin Laschari, per ambasador, in Persia, al caraman e al nuovo profeta; lo qual ambasador partite. Scrisse aversi acompagnato con 60 cavali de altri, che andava a quella via, e lui fenzeva esser merchadante; e che ditto propheta havia gran potentia e gran seguito in quelle parte.

Fo divulgato in questo zorno una nuova falssa, videlicet, che 'l zeneral nostro havia recuperato Modon, che utinam Dio havesse voluto, per ben di la christianità e nostro!, zoè che l'havia obtenuto per tratato, con occision di turchi; tamen non fu vero et fu una zanza levata etc.

Dil mexe di luio 1502.

133*

A di 5 ditto. Nel conseio di pregadi fo preso, e di poche balote, di meter 5 galie in Alexandria et 3 a Baruto; et fo poste, con gran danno di la Signoria e di la terra, et fuora di ogni saxom; ma fo qualcheuno di savij ai ordeni per suo particular etc. Or incantate, in Alexandria, have la prima sier Zuan Arimondo, quondam sier Zorzi, per lire 48; sier Beneto Bafo, quondam sier Lorenzo, per lire 22; sier Zuan Bafo, quondam sier Hironimo, per lire 34;

sier Santo Venier, di sier Zuane, per lire 48; et sier Fantin Memo, quondam sier Lodovico, per lire 53. Fu fato capetanio sier Sabastian Moro, fo patron di la barza, quondam sier Damian. Et al viazo di Baruto non trovono patron; unde parse a li savij ai ordeni non far altro, fino non veniva nuove di Soria, per saper comme passavano quelle novità.

El pontifice in questo mezo, el qual haveva l'ochio a Bologna, mandoe a dir a missier Zuan Bentivoy, ch'è quasi signor di quella terra, che 'l volea venir lì a Bologna. Et missier Zuane li fè risponder, lo rezeveria volentieri soa santità e la corte; ma non venisse con gente d'arme, perchè non lo acepteria. E tuta via feva fortifichar Bologna, feva mostra di le zente e di partesani soi.

Et il re di Franza, in favor di fiorentini, li concesse le sue zente, et scrisse al governador di Milan ge ne mandasse. Qual fin hora è passate cavali 2000 di francesi, zonti za in le terre di ditti fiorentini.

El ducha Valentino fue a questi di a Urbino, alozato nel palazo, dove trovoe arzenti, tapezarie, libri etc. per assa' valuta, si dice più di ducati 150 milia; et di quelle atendeva a far inventario e mandarle via de lì; et che havia fato decapitar quel Piero Antonio, secretario, che fo quello li fè aver quel stato; e questo, perchè li promisse darli el ducha de Urbin in le man, e quello lassoe andar a Ravena et Mantoa.

El re di Franza già si aproximava a Milan; unde el ducha di Ferara si partì et andò per Po a Pavia incontra. Etiam, prima, vi andoe el marchexe di Mantoa. El qual re, per avisi, dovea esser a Pavia a di 6 luio; et si dice non verà a Milan per caxon di la peste. Et tutta la terra si fè meraveglia, che questi do signori, qualli solli restano in Italia, si confidi andar dal roy.

A dì 7 luio. Domino Benedicto Brognolo da Lignago, lezeva publice a San Silvestro, morite di età di anni 80. Questo era doctissimo in latin et in grecho, in studij de humanità. Lexe, a publico stipendio di la Signoria nostra, a la canzelaria anni 38, e adhuc legeva. Fo discipulo di Zuan Piero da Lucha. Or fu sepulto a li frati menori, con solenne exequio; et li fece la oration funebre Marco Antonio Sabelico.

A di 14 luio. Fo preso in pregadi, dar ogni 134 giorno a la regina, va in Hongaria, che vien di Franza, ducati 100 al zorno per le spexe, comenzando el primo zorno la intrerà ne le terre nostre; et cussi fo scrito a li rectori, la dovesseno honorar e alozarla in uno di palazi. Item, perchè el vien 700 ca-